

# Da schanzas ed alianzas

Il s exponents grischuns da las partidas pps e pbd èn dumandads

DA FLURIN ANDRY ED  
AUGUSTIN BEELI / ANR

■ Mesemna saira ha cussegliera federala Eveline Widmer-Schlumpf mess en moviment las discussiuns. Dapertut vegn discutà, supponì e speculà. Per il mument na vai per nagina chaussa, sulet per strategias politicas. L'ann ha discurre cun sis exponents da las duas partidas grischunas.

Tge schanzas ha Heinz Brand per la successiun dad Eveline Widmer-Schlumpf? E tge manegia il president la la pps sez da sia situaziun da partenza? Questas ed autras dumondas interesseschon actualmain betg sulet ils giasts a la maisa radunda da las ustarias? Il strategs da las partidas pps e pbd davos e davant las culissas èn confruntads dapi mesemna saira cun ina situaziun ch'els avevan gia en vista. La demissiun da la cussegliera federala grischuna Eveline Widmer-Schlumpf ha mess en moviment las supposiziuns davart sia successiun.

Tenor Valerieocola-Favre, la vicepresidente da la pps dal Grischun, n'ha Heinz Brand betg bleras schanzas da daven-



La demissiun da cussegliera federala Eveline Widmer-Schlumpf dat chatsch a discussiuns co che la pbd duaia cuntinuar senza sia pli ferma pitga.

MAD

tar nov cusseglier federal. Malgrà ch'el saja ina excellenta personalitad integra ed objectiva, ha la vicepresidente ditg. Per la pbd sa mida la situaziun confortabla a Berna considerabla-

main suenter l'era Widmer-Schlumpf. Tenor il cusseglier naziunal partint Hansjörg Hassler èn alianzas inevitablas per sa far valair en l'avegnir en las discussiuns politicas. Il president

da la pbd dal Grischun, Andreas Felix, vesa betg ina urgenza d'alianzas – almain betg en il Grischun.